

11

11  
11



興國縣志卷之二十七

列女一

按蔡志載成化以前節婦十二人嘉靖以前節婦十  
三人嘉靖以後節婦十五人又正德間烈婦一人共  
四十一人贛郡謝志載賢婦一人節婦止錄二十三  
人殆因府志體例與縣志微有不同擇其尤著者錄  
之耳黃志錄二十九人則不知其何謂矣孔志悉仍  
蔡志但補錄一人顧自嘉靖以後年代次敘不循蔡  
志舊文抑又不知其何謂矣茲於明代節烈悉以蔡  
志爲據其遺佚者補之





國朝則以曾邀 旌典者列前其餘以登志之先後爲  
次共作一卷

唐

許夫人越國公鍾紹京妻韋氏之亂臨淄王謀誅之紹  
京與定大計臨淄王乘夜攜劉幽求等入苑中會紹京  
解舍紹京悔欲不從許曰忘身殉國神必助之且同謀  
素定今雖不行庸得免乎紹京悟趨出拜謁出苑南門  
帥丁匠三百餘人執斧鋸以從遂成大事夫人之力也  
此與漢丞相楊敞夫人從史從霍光廢立之議智略一  
同何代無女丈夫哉

府縣  
舊志

明

羅氏南一里庠生呂若履妻年二十二夫歿撫孤誓死  
不二孝養其姑孤繼歿又育孫成立冰霜苦操年七十  
七終知縣曾選奏聞詔旌建坊

胡氏北隅謝崇禮妻年二十四夫亡二孤在襁褓事祖  
姑敬養四十餘年守節不渝

張氏西隅蔡持信妻年十九夫亡遺孤甫朞年誓不再  
適孝養舅姑年七十餘終

譚氏南隅呂若瑤妻年二十五夫亡遺孤一歲孝養舅  
姑撫子成名苦節四十七年



馬氏南隅李春福妻年十九夫亡遺孤半歲矢志不移  
孝養其姑孀居五十餘年冰操益堅

楊氏水東里甘如鏘妻年二十夫亡孝養舅姑撫子垂  
成而歿又撫其孫堅操四十餘年聲稱無間

鍾氏南隅陳玉琳妻年二十三而寡撫孤鳳祥娶婦江  
氏年二十二鳳祥又卒所生孫亦歿或諷江氏別事江  
泣曰吾以無子嫁吾姑無子而安歸乎與姑共守形影  
相弔閨闈肅然有司榜其門曰雙節

張氏南隅李時望妻年二十二夫亡守節親屬欲奪其  
志誓死不移四十餘年人無遺議

羅氏胡秀禎妻年十六夫死請婚者接踵羅號慟曰吾  
所以不見諒於人徒以有色耳卽毀額碎指以示不貳  
族豪猶有受賄逼嫁者羅奔訴於郡乃得免竟撫呱泣  
之子終其身

鍾氏陳綱績妻少寡育孤至毀面以却母命守節以壽  
終

歐陽氏北隅羅秀俊妻年二十二而寡無子立夫姪爲  
後以壽終以上成化舊志

蕭氏東隅呂經言妻幼通書禮年十九夫死無子矢志  
不貳日懸夫像飲食必祝起居必告至老無倦有婢隨



香感其苦節亦誓不求配事氏終身上司旌獎壽七十有三

王氏興教里鍾廷用妻夫亡無子守節至死無玷屢被旌獎

羅氏西隅歐陽福隆妻年二十四夫死守志至八十而終屢經旌獎

謝氏西隅蕭彥澄妻年二十七夫故甘貧撫孤有司奏聞旌表

王氏高多鍾以庸妻年二十四夫亡撫鞠二孤俱壯有室矣仲子雅頊娶梅氏尋十梅時年十九與姑共守一

門雙節嘉靖癸巳巡按李行縣旌揚

謝氏東隅鍾榮祚妻年二十四守節撫孤孤死撫二孫俱遊庠卒年七十有九屢經旌獎

謝氏北隅羅雍妻年二十夫亡遺孤八閱月撫之成立又教孫誼遊泮人稱其賢卒年八十有八屢經旌表

劉氏東隅王振鏞妻年二十二寡堅操五十年七十二歲而終

鍾氏南隅張仁本妻年二十四夫死甘貧立孤育孫守節以老卒年八十有二已經旌獎

陳氏西隅王朝舉妻年十九夫亡撫孤守節以老當道



表揚

劉氏南隅羅彥理妻年二十五夫亡無子以節終屢經旌獎

呂氏北隅陳冲實妻年十九夫暴卒哀慟弗勝誓以死

守屢經旌獎

以上嘉靖舊志

周氏南隅陳雁妻正德五年流賊陷城周被擄威脅不從賊憐其少艾未忍遽刃攜至德星橋乘賊防稍疎自刎死

王氏北隅二里鍾韻鳴妻年二十一守節撫孤七十餘終邑令茹公題請建坊旌表

鍾氏北隅二里王實正妻年二十四育孤守寡子死撫孫成立壽七十終建坊旌表

李氏北隅二里庠生王祐妻年十八而寡志存存孤冰操堅貞奏聞旌表

劉氏東隅李文輔妻年二十二夫亡撫孤奉姑甘貧守志年七十三邑令茹公觀題曰貞節

蔡氏東隅蕭怡珪妻年二十四夫亡奉姑撫孤孤死又撫其孫清操始終不渝壽八十六而終

王氏西隅蔡國治妻年二十四守節孀居四十餘年邑令林恕盛代俱爲之贊



鍾氏東隅蕭鳴武妻幼識孝經論語年二十六夫亡矢志事翁姑克盡婦道子二次梓補邑諸生亦早夭撫孫煥膺鄉貢署縣司理許公鑰邑侯海公瑞皆匾旌其門年八十終

歐陽氏西隅方惟安妻年十九夫亡家貧撫孤始終不渝嘉靖三十二年推官許公鑰申詳旌表

王氏西隅徐元運妻年二十二夫亡無子守節四十餘年萬歷元年邑令盧申詳旌表

李氏西隅劉文蘭妻年十九夫亡守節四十餘載

呂氏北隅王說妻笄年夫亡割袂自誓勤女工養姑終

老建坊旌表

鍾氏興廉里劉貴卹妻年二十四夫死於寇斬指截髮矢志守節年七十卒巡按題請旌表

鍾氏東隅監生呂俸妻笄年喪偶守二歲遺孤卒年八十有五奏聞旌表

鍾氏東隅王乾餌妻年二十夫亡撫孤守志壽七十終有司申詳旌表

劉氏衣錦鄉江祺妻年十八而寡遺孤一週暨志自守

六十餘卒

以上蔡志

夏氏凌明遠妻年二十一守志撫遺腹子成立年六十



卒孔志

溫氏三寮會伯良妻嘉靖間流寇掠興邑居民逃散氏夫婦因母病不忍舍去夫與賊格鬪被執後乘賊懈得脫歸見母母告以氏抗賊不屈被殺藁葬某處乃擇地改葬焉邑人廖瑞儔爲作孝烈傳

王氏背街鍾寰清妻明季隨夫攜二子避寇永豐中途遇賊夫與二子皆散去氏竄荆棘中賊搜得之欲虜以去氏大罵不從刺以刃罵愈厲賊怒斷其喉未殊猶映映作罵聲寇平後夫與二子皆得歸鄰人有被賊執者目視其事以語寰清始知氏死之烈

姚氏竹壩鍾恆赦妻年二十八撫百日遺孤守節卒年六十一

謝氏澄塘王春芳妻年二十五撫孤守節卒年五十二  
蕭氏澄塘王修學妻年十八撫孤守節卒年六十三  
鍾氏澄塘劉行約妻年二十二守節撫二子冲大冲爵冲大死妻鍾氏年二十五冲爵死妻謝氏年二十三姑媳妯娌相依共守一門三節鄉里稱之姑卒年八十鍾卒年六十謝卒年六十二

鍾氏澄塘劉奕蘭妻年二十二守節撫孤卒年九十  
王氏澄塘劉魁舉妻年二十九守節卒年六十九



蕭氏澄塘劉資泮妻年二十守節卒年六十

謝氏文溪蕭彥莊妻年二十九撫孤守節壽至七十餘

卒

歐陽氏文溪蕭德尊妻年十八撫孤守節克盡母道以

壽終

譚氏三寮曾益暉妻年二十五守節撫孤卒年七十

鍾氏燕山鄧華璫妻年二十三撫繼子守節孝姑卒年

六十五以上增補

國朝

李氏大足鄉柳木鍾懋官妻年二十守志撫遺腹子成

立其孫監生鍾獻畧妻劉氏妾張氏俱年二十餘育孤

守節三十載雍正六年建坊 旌表

羅氏大足鄉竹壩鍾猶質妻年二十四而寡矢節養姑

課子遠列邑庠雍正十三年建坊 旌表

鍾氏大足鄉竹壩姚欽仁妻年十六適姚夫染病恐不

得男自脫簪珥為夫納妾生子甫週而夫與子俱亡年

二十四撫姪又亡及翁姑殯葬皆身任艱辛誓以死守

年六十四乾隆二年建坊 旌表

董氏衣錦鄉三寮邑廩生廖安矩繼妻年十九安矩卒

矢志堅守撫前妻子政紘為國學生貞一之操始終不



易乾隆二年建坊 旌表

陳氏廖世淮妻年二十二守節生子一週而歿撫姪爲後皓首完貞乾隆三年建坊 旌表

鍾氏南一里呂實而妻年二十四守節 國初遭寇亂流離轉徙苦節撫孤事姑以孝聞八十二而終乾隆四十年知縣徐大坤上其事 詔建坊旌表

蕭氏文足鄉榔木鍾盛焯妻年二十四守節孝事翁姑撫二子長世任遊泮乾隆五年建坊 旌表

陳氏王貽孫妻年十八夫亡撫子守節壽八十餘眼見元孫乾隆六年建坊 旌表

楊氏儒林鄉西江謝仕儀妻年二十一守節孝事姑嫜撫子成立季載書邑庠生乾隆七年建坊 旌表

劉氏大足鄉竹壩朱鳳羽妻年二十一夫亡守節事舅姑以孝聞撫子幼芳娶媳劉氏幼芳早卒劉氏與姑相依撫孤貞守乾隆十年建坊 旌表

鄧氏清德鄉爐下劉大楫妻青年守節白首完貞乾隆十年建坊 旌表

杜氏會旭濂妻年二十一夫亡守節遺孤早夭不易其志乾隆十三年建坊 旌表

楊氏太平鄉高多鍾錫朋妻年二十一守節奉姑撫子



元勳列膠庠乾隆十三年建坊 旌表

古氏謝榮東妻年二十四夫死守志夫弟華東娶楊氏年二十三而寡妯娌同居勵節乾隆十三年 旌表

王氏清德鄉廖塘凌朝訓妻年二十四守節敬事舅姑撫子成立乾隆十四年建坊 旌表

李氏清德鄉龍坪劉正佐妻年二十四守節撫子高魁有成乾隆十四年建坊 旌表

以上  
札志

謝氏大足鄉九曲龍曾省尤妻年二十八守節撫孤事姑嘗捐穀數百賑濟貧乏又修橋梁道路建茶亭卒年八十一乾隆十九年 旌表

蕭氏衣錦鄉滌溪江世昇妻年二十四夫亡氏慟絕數次葬後三日詣墓哭奠而歸自縊死乾隆二十五年 旌表

鍾氏儒林鄉橫石謝逢浪妻年二十七守節撫孤孝事舅姑族鄰貧乏者必命子周恤之乾隆二十六年 旌表建坊

劉氏清德鄉澄塘監生王日能妻年二十五守節撫孤嫡姑目盲氏以舌舐之復明侍庶姑病亦無懈歿年七十四乾隆二十九年建坊 旌表

李氏北隅鳳岡謝光迪妻年二十二守節撫孤子南式



登鄉榜乾隆三十年 旌表建坊

湯氏清德鄉秀陂監生梁廷英妻年二十守節撫姪為  
嗣姑病手足不能運動氏扶持八年無懈乾隆三十七  
年建坊 旌表

鍾氏清德鄉上樂劉正儒妻年二十七撫孤守節備極  
艱辛歿年七十九乾隆四十三年 旌表建坊

李氏玄錦鄉蓮塘州判職黃河清妻年二十五守節撫  
孤乾隆四十四年建坊 旌表

鍾氏儒林鄉周地楊積成妻年二十七守節撫孤卒年  
八十七乾隆四十六年建坊 旌表

以上贛  
郡方志

蔡氏衣錦鄉三寮曾昌堅妻年十七守節撫孤孝事  
姑卒年八十三乾隆五十八年 旌表建坊

李氏西隅二里徐本佐妻年二十四守節孝翁姑撫孤  
應中遊泮卒年八十嘉慶三年 旌表

鍾氏西隅二里徐本位妻年二十二守節孝翁姑撫孤  
早夭絕食七日而死年四十三嘉慶三年 旌表

黃氏太平鄉大源周載佺妻守節撫孤僱工欲犯之不  
從刃傷斃命幼孤亦被刃死嘉慶八年知縣謝袞申詳  
旌表建坊

周氏儒林鄉龍砂鍾岸久妻年二十六守節奉姑撫孤



卒年八十六嘉慶十年 旌表建坊

鄭氏太平鄉楊梅會紹瑀妻年二十守節撫孤嘉慶十年 旌表建坊現年七十有一

陳氏太平鄉崇一里謝榮亮妻年十九隨夫開旅店於崇興墟嘉慶十一年七月以拒惡少強奸胸被刃死知縣謝袞申詳十三年 旌表建坊

廖氏清德鄉上宅劉于蘭妻年三十三夫歿撫育二孤

堅志存節鄰戚許某嘗往來其家一日忽挑以戲言氏正色拒絕後又欲強犯之遂闔戶自經死知縣謝袞上其事嘉慶十三年 旌表建坊

陳氏衣錦鄉蓮塘黃章讀妻年二十六守節撫孤卒年

六十嘉慶二十年 旌表

邱氏衣錦鄉廬公山李遠 配妻年十八夫亡矢志守節

撫姪為嗣姪死又撫姪孫運璠承繼現年五十二道光

三年詳請 旌表

李氏衣錦鄉江夏姚學本妻年十八夫亡守節撫姪光

濤成立現年五十四道光三年詳請 旌表

駱氏衣錦鄉赤勘賴宗達妻年二十一夫亡遺腹學生

二子守節不渝現年五十二道光三年詳請 旌表

劉氏衣錦鄉監生武宗泮妻年二十九夫亡守節撫姪



為嗣現年五十六道光三年詳請 旌表

劉氏小溪黃國漣妻年二十七守節撫孤秀昌成名督

學潘給柏操蕙榮匾現年七十一道光四年詳請 旌

表以上  
新增

皮氏王文華妻康熙八年賊掠郊隅被擄引刀自刎賊

奪之罵不絕口遂刎其腹何令有詩題其像黃志

廖氏會國寓妻夫亡遺腹子一元乃生撫育成立為邑

諸生順治戊子避土寇三寮山中母子相失氏恐為賊

所汙自投崖下一元遍號山中經日乃得母以多人繩

引而上崖高十餘仞無恙壽至七十餘王方伯日藻

國旌之曰女宗

呂氏謝潔泉妻年二十夫亡疊遭兵寇迫脅毀容全節

撫子成立年七十二終

張氏胡魁敘妻年十九而魁敘卒一子繼妖族人欲嫁

之以死自誓得完節壽終八十四

劉氏庠生鍾道熙妻年二十八夫亡貧乏拮据營葬順

治戊子荒亂竄山谷咽糠粃紡績課子午燧登歲薦選

永豐訓導卒年五十八

江氏鳳庄庠生謝諦簡妻年二十八夫亡孝養老姑教

育二子廷煥廷炤俱為諸生壽至八十五終



鍾氏庠生李明瑛妻年二十一夫亡無子撫姪際雲爲  
嗣婦姑相倚完節以老

王氏贈內閣學士鼎相女適李世佺年二十七夫亡無  
子立姪光蒲嗣祀矢志守節繡佛長齋以壽終

周氏呂伯起妻劉氏伯起弟羽超妻伯起羽超相繼歿  
周年二十四劉年二十七各撫孤授室子婦復相繼亡  
共育其孫成立鄉稱一門雙節

王氏庠生呂儀象妻年二十六儀象卒撫子世瑱勤儉

成家守節壽終

以志林

謝氏尹羽高妻年二十二而寡矢志守節撫子秦鐸成

名學使姚給匾獎之壽七十五歲歿

歐陽氏劉偉仁妻年二十八夫亡家貧苦守撫孤成立  
完節以終

鍾氏呂永禛妻年二十夫死守節撫孤壽六十五

歐陽氏胡坤貞妻年二十喪夫守節以終

康氏楓林庠生劉梅卜妻年二十七夫亡無子孝事翁  
姑撫姪之鍾爲嗣孀居五十餘年

李氏庠生鍾賚良妻年十八夫死遺腹產男苦守課讀  
成名年九十終

鄧氏鍾念新妻年十七夫亡撫子娶婦生孫八月子復



歿撫孫成立壽八十有二終

賴氏鍾餘兆妻年十七夫亡遺孤一月苦節日守至五十而歿

鍾氏楊仲美妻年十九夫亡矢志撫孤成立以壽終

羅氏監生王定邦妻年二十七而寡無子撫姪昌儒為諸生完節以老

謝氏庠生蕭良佐妻年二十一夫亡矢志自守撫孤完

節以壽終以上蕭郡張志

謝氏楊推己妻年二十二夫亡家貧撫孤守節五十餘

年據郡志增孔志失載

鍾氏獅子廳庠生王昌裔妻年十九歸裔生子未週裔

歿氏投水死解救得甦予以殄繼歿氏毀容骨立雖兄

弟至亦隔戶與語一日語從祖嫗曰吾夫亡已三年明

日櫛洗欲往夫墳嫗憐之不及省詰朝視之闔戶自縊

時年三十二歲

曹氏陳勳臣之媳值歲饑夫欲嫁之誓不再適忍餓而

死

余氏東隅蕭昭士妻年二十四苦節自守撫孤有菁既

授室而逝擇繼承祀竭力孝養其姑壽八十餘終罄產

以葬越二年而氏亦卒年四十九歲



興國縣志 卷二十一  
五  
會氏杉溪鍾三能妻年二十三夫死於寇氏流離顛沛  
苦節三十八年孫肖似早歿娶孫氏年二十五誓死完  
貞四十五歲而卒

康氏北隅二里鍾洪仁妻年二十夫亡姑老病遭寇亂  
艱苦奉持撫孤成立終身茹荼壽八十九見曾孫卒

鍾氏監生王殿華妻年二十八夫亡無子撫姪爲嗣前  
令表其門五十五歲卒

溫氏庠生張景鵬妻年二十二守節養姑以終天年教  
子有成鄉里稱之七十而終

劉氏鳳庄庠生謝右書妻年二十六夫亡節烈自誓不  
食而死

鍾氏邑增生黃元高妻年二十六守節孝事舅姑課子  
士仁力學食餼學使冀旌之壽七十二終士仁亦早歿  
妻王氏年二十四茹荼課子文超高等食餼守節四十  
餘年

呂氏澄塘王蕃允妻年二十三守節艱苦食貧足不踰  
閭撫孤承祧子死撫孫七十二卒

劉氏蕭子臨妻年二十五守節撫孤延祚事姑克孝年  
五十終經前令請旌

黃氏謙嶺張妻年二十四夫亡守節撫孤六十九終



劉氏鍾家珍妻年二十七守節七十五終

江氏廩生廖世桂妻年二十六夫亡撫遺腹孤守節以終

劉氏廖世沐妻年二十四夫亡矢節善事繼姑撫子自超力學成名壽逾八十而終

張氏營前江萬瑚妻年十九夫亡撫遺腹子守節三十三年而終汪令額以苦節可風邑紳士作傳誌之

蕭氏鍾家瑞妻家瑞孝於父遭惡疾數年氏調護不倦及歿無子氏年二十有二矢志不移七十五終

張氏王星福妻年二十八守節撫子愈信成立壽七十  
五終愈信繼歿妻會氏年二十七守志以壽終

李氏王永接妻年二十七夫亡撫孤守節三十九年六十五終

劉氏東隅鍾肇鶴妻年二十七守節遭離亂貞潔自全郡伯萬旌其門七十二卒子應垣亦早歿妻歐陽氏年

二十六夫亡撫孤志操不奪姑始相依數十年如一日壽七十四終為王宗伯思軾推舉前令屢獎其門

蕭氏庠生鍾昌謨妻年二十五夫亡撫姪世炳守節壽六十八終

謝氏鍾立績妻年二十四守節事翁姑訓迪子遷入



泮年六十四卒

何氏蕭逢光妻年十八守節撫遺腹子善事翁姑壽八十而終

謝氏曾高拱妻年二十六貧苦守節六十而終

鍾氏李空凡妻年二十七夫亡家無擔石矢志紡績存孤壽七十而終

鍾氏小殊田劉景生妻年二十八夫死遺孤誓不改節六十八終子汝弼娶何氏亦二十八而寡守節三十餘年

李氏王子壽妻年二十四守節壽六十九終

謝氏東隅呂儀求繼妻年十八夫死撫前妻子成立復撫孫象雉爲邑諸生年六十六終

李氏鍾子常妻年二十七夫亡撫側室子成立壽七十而終

劉氏歐陽愈茂妻笄年夫死矢志存孤六十九終

廖氏三寮曾高渭妻年二十四守節前令張太史旌其閭壽逾七十而終

楊氏胡台典妻年二十五守節撫孤勅烈食餼五十七終

王氏胡其瑞妻年二十五夫亡子纔五月備歷艱辛壽



七十七終

蕭氏胡崇隆妻年二十四矢志壽八旬終

劉氏田應珀妻年二十四而寡壽逾八旬卒

方氏王維柱妻年二十三守節六十三歲終子德煒早

歿遺孤幼弱妻歐陽氏亦撫孤守志以壽終

陳氏鍾應秋妻年二十七守節堅苦自持六十九終

謝氏鍾登元妻年二十六守節辟績奉姑育子壽七十

四

劉氏王顯謨妻年二十八孀居僻績事姑育子三十二

載卒年六十一

謝氏西隅郭捷三妻年二十二撫孤守志六十四卒

鍾氏官田陳碧瑞妻年二十三孀居卒年五十

周氏胡賚侯妻年二十三守志茹荼育子勅祿入庠壽

七十卒孫克蕙又早歿娶蔡氏年十九守節四十餘年

斬令匾以揚之

鍾氏岡背李有魁妻年二十六守節撫孤壽七十三

宋氏曾錫筠妻年二十五守節教子高楫為名諸生前

金令給匾獎之壽七十三

歐陽氏學前監生郭慶旭妻年二十二守節孝姑撫子

五十二卒



朱氏賴廷一妻年十九孀居卒年六十弟廷上妻鄧氏年二十七廷貴妻劉氏年二十四俱守節撫孤卒年七十餘

李氏易紹瓊妻年二十八守節卒年八十

郭氏椰木鍾才熾妻年二十四矢志苦節孝事其姑如夫之存前令獎其門以壽終

羅氏城北內貢生鍾其英繼妻年二十五而寡子璇未週撫立有成入邑庠學使金獎其門卒年六十一

李氏長信劉有顧妻年二十二而寡毀容自誓盤錯不回撫遺腹子克續宗祧完節以老

廖氏三寮會高標妻年二十四夫亡苦志撫孤奉姑能得懽心守節以老汪令以匾獎之

劉氏西隅徐傳蓀妻年二十四夫亡守節翁年八十備極孝事撫二孤成立汪令執桓匾獎其門

鍾氏謝殊有妻年二十四夫亡守節撫繼奉姑孝慈兼至以壽終

蕭氏徐宗淇妻年二十二夫亡矢志守節孝事舅姑撫未週子捷入泮貢成均學使金獎其門以壽終

劉氏謝蘇卿妻年二十二夫亡撫孤姑患右瘕卧牀四載氏扶持調護無懈守節四十餘年



劉氏蕭希謨妻年二十八夫亡偕妾張氏同心矢節冰操不渝以壽終

呂氏鍾唐勳妻年二十六守節前令梁聯德獎其門以壽終

蕭氏鍾加爵妻笄年守節或諷之嫁嚼指誓天志卒不奪以壽終

李氏城北內庠生鍾萬珍妻年二十六夫死無子撫姪為嗣茹荼苦守以壽終

呂氏鍾懋梅妻年二十七矢志守節無子撫姪為夫後以壽終

王氏貢生謝大昱妻年二十七茹冰教子閨闈肅然子光賓既娶而歿媳鍾氏克承姑志共守撫孤王守節五十餘年鍾亦以壽終

沈氏江永俊妻年二十四守節紡績撫孤終身不履戶外以壽終

謝氏鍾源尚妻源尚力學未雋齋志以歿氏年二十六矢志守節以壽終

劉氏鍾隆亨妻年二十七孀居撫孤以壽終

鍾氏李文煌妻年二十七貧苦守節以壽終

劉氏鄧積鳳妻年二十四守節以壽終



呂氏城北內庠生鍾震聲妻年二十五守節課子鴻達  
人邑庠以壽終

李氏鍾萬侶妻年二十七守節以壽終

何氏曾顯襄妻年二十四守節堅志育孤以壽終

郭氏王輔菴妻年二十六守節撫孤以壽終

江氏杉溪鍾正紀妻年二十五守節事姑課子鳴鶴入

泮以壽終

趙氏監生姚繼瑛妻年二十三夫死守節教子力學遊

泮以壽終

鍾氏蕭斌玉妻年二十五夫亡甘貧矢志事往育居守

節六十餘年

蕭氏呂庭芝妻年二十六夫亡守節冰玉自持沈令維

烈以匾獎之卒年九十

鍾氏東隅蕭義用妻年二十二守節撫孤姑病癱瘓七

載氏左右奉侍至老不倦人稱節孝

伍氏王介爾妻年二十六守節兩遭寇變攜姑與子避

亂艱危中貞白無玷壽逾八十

胡氏南隅王顯純妻年十九夫亡矢志飲冰撫孤家璉

入邑庠純弟郡庠生顯纓妻徐氏年二十四守節撫孤

弗育不易其操妯娌同以節老



興國縣志 卷二十一  
蕭氏曾仲曲妻夫亡年甫十七撫一子及長疾卒氏節益堅壽終七十有九

呂氏庠生鍾名楷妻年二十七守節存孤子死撫孫備極艱苦以壽終

謝氏鍾應錦妻年二十七矢志撫孤堅操不易守節三十餘年以壽終

劉氏卜炳然妻年二十五夫亡存孤守節四十餘年以壽終

劉氏謝高拔妻年二十二夫死守節以壽終

楊氏監生鍾迪妻年二十七夫亡撫孤迪弟乘吉妻黃

氏少寡無子妯娌共養老姑守節以終

宋氏劉公菴妻年二十七夫亡撫孤守節以壽終

劉氏城北內庠生鍾思騰妻年二十六守節撫孤子又

早歿復育孫成立梁令匾獎之以壽終

曾氏謝大普妻年二十六守節以壽終

胡氏王殿佐妻年二十一夫死無子撫姪爲後守節四

十餘年以壽終

李氏劉秉貞妻年二十七守節以壽終

鍾氏劉九章妻年二十九夫死撫孤守節以壽終

姚氏監生鍾宏元妻年二十四守節撫孤元弟建溥亦



早歿妻曹氏年十九遺腹生子誓死存孤妯娌同以節老

李氏胡世繪妻年二十五撫姪守志以壽終

鍾氏歐陽紹齊妻年二十五而寡經前令請旌卒年七十有九

李氏曾子萬妻年二十四守節以壽終

陳氏王可宸妻謝氏王可宥妻宸宥兄弟相繼而歿陳氏年二十八謝氏年二十七同志守節紡績撫孤卒年俱七十四

熊氏陳麟士妻年十九夫亡撫姪守節卒年六十三

蕭氏監生劉承儼妻年二十三守志卒年六十三

梁氏謝鳴岡妻年二十三夫亡無子矢志撫姪承祧以壽終

程氏杉園都孫琳祖妻年二十六孀居守節以壽終

俞氏鍾應魁妻年二十二夫亡養姑課子前令獎之守節四十餘年以壽終

謝氏王去華妻年二十八夫死守志以壽終

黃氏岡背李永通妻年二十五夫亡守節勤鍼黹以存孤事姑尤孝以壽終

何氏胡答典妻年二十六夫亡子歿苦節四十餘年以



壽終

黃氏鍾聲亮妻年十九夫亡守節以壽終

尹氏文溪劉萬鵬妻年二十七守節撫孤春宗早歿媳  
蕭氏年二十四從姑守節尹卒年八十三蕭卒年七十  
七

葉氏楊必進妻年二十五守節以壽終

王氏逕口李長奉妻年二十七而寡矢志茹荼撫子松  
入邑庠學使金獎之以壽終

謝氏庠生丁昌言妻年二十四夫死守節以壽終

劉氏王輔榮妻年二十六守節以壽終

王氏黃曰謙國梁妻年二十四夫死家貧奉姑撫子備  
歷艱辛歿年六十六

王氏南一里呂慶珍妻年二十三而寡有老姑孝養無  
缺撫子成立守節以終

王氏榔木鍾懋輅妻年二十五苦節堅操孝姑育子以  
壽終

鍾氏南一里呂傳模妻年二十三孀居績苧易粟以奉  
翁姑育孤子苦節彌堅後以壽終

謝氏鄒占五妻年二十二夫亡撫二子勤苦有成守節  
以終



陳氏李英錫妻年二十八守節撫孤卒年七十八  
鍾氏王孫菴妻年二十六夫亡艱苦守節逾三十年以  
壽終

蕭氏謝遜賢妻年二十六夫死守節以壽終

鍾氏姚體仁妻年二十夫亡撫孤守節以壽終

江氏三寮曾魁妻年二十五夫死守節以壽終

周氏楊仁先妻年二十二守節撫孤育孫以壽終

劉氏監生謝景行妻年二十四而寡守節以老

謝氏杉溪鍾麟允妻年十八夫亡勤苦撫孤翁姑老年

俱存氏孝養不倦守節以老

陳氏曾秀誥妻年二十二夫卒於外矢志奉姑撫子守  
節以終

劉氏謝子安妻年十九夫死撫孤守節以壽終

鍾氏學前庠生郭耀妻年二十四守節孝事翁姑撫子

成立卒年七十八

王氏姚文仕妻年二十四夫亡守節以老

鍾氏呂世玠妻年二十五夫亡撫子持家艱苦備歷守

節以老

劉氏鍾獻瑜妻年二十五夫死撫孤奉姑守節以老

李氏鍾其鎮妻即旌表節婦劉氏之媳年二十七夫亡



撫孤事姑守節以終

謝氏鍾讓妻年二十三而寡撫姪爲嗣守節以終

曾氏江永銘妻年二十五夫亡守節以壽終

駱氏朱尚永妻年二十六夫亡守節以老

歐陽氏庠生鍾建爵妻年二十六夫亡守節以老

吳氏鰲源庠生王慕曾妻年二十六夫亡撫孤守節汪

令執桓獎之五世同堂卒年八十八

劉氏南村曾毓鳳妻年二十三夫亡遺腹生子教育有

方守節以終

吳氏鍾昌代妻年二十二孀居矢志撫孤守節四十餘

年以壽終

劉氏鄧純士妻年十八而寡藉鍼術以自存守節逾三  
十年以壽終

曾氏鍾源久妻年二十二夫亡守節以壽終

謝氏曾祥世妻年二十二夫亡守節以壽終

鄧氏謝光寅妻年二十五夫死撫孤守節以壽終

賴氏王政干妻年二十三夫亡矢志茹水守節以終

陳氏朱匡衡妻年二十七夫亡守節以壽終

梁氏王及三妻年二十六夫死艱辛守節以壽終

謝氏城南鍾世滋妻年十九夫亡無子撫姪以守卒年



七十七

陳氏鍾萬表妻年二十七夫死守志以壽終

鍾氏鄧周日妻年二十三夫亡守節奉事病姑久而無倦以壽終

余氏楊敬敷妻年二十三而寡守節以終

劉氏丁泗傳妻年二十三而寡守節以終

王氏蕭天秩妻年二十五而寡奉姑撫孤守節以老

鍾氏丁舜哲妻年二十六夫亡守節以終

蕭氏南隅王才怡妻年二十二孀居撫姪守志以終

黃氏謝集成妻年二十三而寡守節以終

袁氏謝魏蘭妻年二十三守節卒年五十三

郭氏城北內監生鍾秉元妻年二十四紡績存孤守節以終

鍾氏張宗許妻年二十五夫亡守節以壽終

陳氏丁子達妻年二十七夫亡守節以壽終

劉氏呂爾白妻年二十五夫亡守貞撫二孤成立卒年六十八

劉氏楊魯傳妻年二十七夫亡守節以壽終

劉氏庠生王宏緒妻年二十七夫亡守節以壽終

劉氏鍾宏量妻年二十三守節卒年五十五



徐氏謝展東妻年二十六夫亡與弟仲三妻陳氏同室  
孀居守節以老

江氏羅長富妻年二十二孀居守節以壽終

李氏劉郁生妻年二十三夫亡撫二孤成立前令黃儒

學楊俱給匾獎之守節四十餘年以壽終

劉氏鍾永遜妻年二十四夫亡安貧守節歷五十九年

撫孤育孫卒年八十五前令匾獎其門

尹氏江宗澳妻年二十四夫亡守節撫四月遺孤歷盡

艱辛孝養舅姑生葬盡禮卒年六十六

蕭氏郭復麟妻年二十五夫亡矢志撫二孤俱成立守

節逾三十年以壽終

胡氏曾高湖妻年二十四夫亡家徒壁立或勸其再醮

引刀截髮誓死不移撫二孤俱成立旋相繼而亡氏忍

死孝養舅姑終其身卒年五十六

鍾氏庠生謝大習妻年十九夫亡守節撫姪爲嗣貧苦

堅貞卒年五十五

易氏謝福宗妻年十九夫亡守節撫遺腹子成立以壽

終

凌氏鍾敏叔妻年二十五夫亡撫孤奉姑督學金匾獎

其門守節以終



姚氏澄塘舉人王荃妻年二十七夫亡與妾陶氏青年共守陶先故姚氏守節逾三十年以壽終

吳氏江宗誌妻年二十三夫亡守節以壽終

謝氏西隅郭慶璇妻年二十四夫亡子歿不移其志守節三十餘年卒年六十二

歐陽氏庠生劉光芹妻年二十七夫亡撫孤守節以壽終

呂氏藍田東庠生鍾枚妻年二十七夫亡奉姑撫孤守節以壽終

節以壽終

何氏蕭可程妻年二十一夫亡守節以終

會氏清德鄉爐下劉德菁妻年十九夫亡守節撫孤育孫以壽終

楊氏江習聖妻年二十三守節五十餘年白首完貞前令汪儒學劉王各以匾獎之

陳氏盧公山李東周妻年二十四撫孤行三援例入監既娶天媳郭氏年二十五從姑守節撫孤永倡既娶天媳鍾氏年二十二從姑撫孤三世守貞陳卒年七十二

郭卒年五十八鍾守節以老

鄭氏梁宗仁妻年二十四撫孤守節三十年

鍾氏歐陽元才妻年二十五撫孤守節三十年

以上孔志

以上參郡志

以上

以上

以上

以上

以上



古氏王刑妻年二十三撫孤守節三十年

李氏劉天祠妻年二十四夫亡守節三十年

黃氏廖從模妻年二十八守節事姑課子起龍入庠食

餼卒年六十七

袁氏鍾述孟妻年二十一撫孤既娶而天守節三十年

王氏張次侯妻年二十四而寡守節三十年

蕭氏王崇迪妻年二十四守節撫孤孝事舅姑卒年五

十七

羅氏黃鶴鳴妻年二十三撫孤守節五十年

李氏清德鄉廩生劉家璋妻年二十四守節卒年六十

三

張氏李有新妻年二十二撫孤守節五十二年

劉氏鍾立潤妻年二十二撫孤孝事舅姑守節三十年

蕭氏庠生鍾達用妻年二十五夫亡撫孤守節以老

徐氏蕭立模妻年二十六夫亡事姑守節以終

洪氏九曲龍會省可妻年二十六撫孤早天氏矢志不

易卒年八十二

呂氏廩生鍾才軾妻年二十四守節卒年四十九

劉氏鍾勤菴妻年二十七守節卒年七十

湯氏劉白周妻年十九夫歿撫孤早天守節以老



岳氏官田陳廷獻妻年二十六撫孤章瓊既娶天媳黃氏年二十五同姑守節岳卒年七十五黃亦以壽終

凌氏李世珖妻年二十三撫孤守節三十年

江氏廖安鎬妻年二十二夫歿守節三十年

鍾氏謝承隆妻年二十六守節卒年五十七子元及妻

鍾氏年二十八撫孤守節四十三年

周氏鍾師訓繼妻年十九撫孤守節卒年七十五

謝氏凌邦經妻年二十二夫死無子守節三十餘年

池氏劉光通妻年二十三撫孤守節三十年

賴氏劉光運妻年二十一夫歿守節三十年

謝氏廩生羅宜高妻年二十八夫亡撫孤入庠守節三

十年

李氏王定正妻年二十七夫歿守節卒年八十三

謝氏文溪劉德芬妻年二十二撫姪守節孝舅姑卒年

五十四

以上贛郡方志

劉氏竹壩鍾世芙妻年二十二夫亡守節孤廣章甫七

歲氏督課極嚴或謂氏孀居止一子何不少寬假之氏

曰正以一子故不忍縱耳廣章卒以義行顯於鄉里人

謂氏節母亦賢母可為撫孤者法

桑郡志



李氏王安五妻年二十少夫歿守節卒年八十三  
十半 劉氏通妻年二十三梅孤守節二十年

潘氏竄坐羅宜高妻年二十八夫亡無依人車守節三

興國縣卷之二十八

列女二

按舊志所載列女不能盡知其年代故但據修志先  
後統列上卷此卷由紳士採訪族鄰公舉有待 旌  
而尚未詳請者有無力請 旌而年例相符爲衆所  
共知者有乾隆庚午以前之節烈舊志偶遺而家譜  
確鑿可據者咸彙紀之以四隅六鄉爲次

康氏赤墁蕭立柏妻年二十四夫歿家貧撫孤守節卒  
年七十三

王氏赤墁蕭立樞妻年二十八夫歿家貧撫孤守節卒



年七十

歐陽氏赤勘蕭立楷妻年二十二守節卒年六十四  
張氏陳氏皆赤勘蕭立乾妾立乾死張年二十九陳年  
二十六陳生二子張撫其一爲嗣紡績守節張卒年七  
十陳卒年八十六

劉氏赤勘蕭大鉉妻年二十撫孤守節卒年六十五

鍾氏呂育榮妻年二十七撫孤守節卒年六十三

鍾氏赤勘蕭立本妻年二十五撫孤守節現年六十

謝氏赤勘蕭立峯妻年二十五守節撫孤現年五十三

鍾氏赤勘蕭其進妻年三十夫亡守節現年七十三

鍾氏赤勘蕭大昇妻年二十五家貧守節孝養翁姑現  
年六十五

王氏呂才墀妻年二十五夫亡守節現年六十六

陳氏王世富妻年二十八夫亡守節撫孤現年六十二

呂氏王芳蘭妻年二十九夫亡守節撫孤現年五十一

呂氏劉明燭妻年二十四夫亡撫孤苦節三十年現存

以上  
東隅

劉氏南二里李世華妻年二十四守節養親撫孤孤死  
不貳其志卒年六十六

王氏羅學瀉妻年二十二夫亡守節養親撫孤卒年五



十六

李氏王超熊妻年二十二守節卒年四十三

姚氏壩南劉憲璵妻年二十三守節卒年六十三

羅氏劉榮純妻年二十三守節現年五十一以上南隅

鍾氏縣前歐陽一麟妻年三十撫繼子守節卒年七十

一

劉氏縣前歐陽多閔妻年二十五守節撫孤卒年四十

八

鍾氏郭萬信妻年二十三守節孝養翁姑長子邦洙娶

妻李氏年二十八邦洙死孝事孀姑一門雙節鍾卒年

七十七李現年六十四

陳氏郭萬儒妻年二十九撫繼子守節卒年四十八

呂氏王溥若妻年二十七守節卒年七十二

鍾氏蔡光詔妻年十八守節孝養翁姑撫繼子銘入武

庠捐千總職卒年六十三

呂氏王世海妻年二十六守節卒年六十四

鍾氏王永稔妻年二十八守節卒年六十一

江氏王永賜妻年二十七守節卒年六十五

鍾氏監生曾道輝妻年二十三守節孝養翁姑撫孤耀

崑中武舉現年七十五



王氏學前胡德瀚妻年二十一守節撫孤現年六十四  
孫氏縣前從九職歐陽能運妻年二十九守節撫孤現  
年六十一

十一  
吳氏縣前歐陽榮从妻年三十夫亡食貧守節現年五

鍾氏徐本俸妻年二十六守節撫孤孤歿撫姪孫承祧  
現年七十七

十五  
鍾氏徐繼琦妻年二十五守節撫孤孤死撫孫現年六

李氏王名儷妻年十九守節孝事翁姑撫孤報劬遊泮  
現年五十七

張氏鍾餘仕妻年二十撫繼子守節現年六十五

胡氏縣前歐陽臻璠妻年二十六守節撫孤現年五十

三

劉氏庠生蔡鏞妻年二十五撫繼子守節孝事翁姑現

年五十五

以上西隅

鍾氏灘上黃世繼妻順治甲申寇掠興邑世繼被擄氏  
脫簪珥傾家中所有命僕往贖僕探知世繼在江背洞  
為賊所殺氏聞以家事囑妾自投江死

蕭氏城北內鍾燧妻順治戊子邑城陷與夫相失散攜



五歲子于寶及婢苦媵同避難氏見賊氛甚惡恐為所辱齧指血題襟付媵命攜于寶速遁而自投於江後媵歸出蕭氏所題血襟示家人字畫模糊細審得夫如在兮諒妾心兒念母兮哭水濱十四字媵死家人為招魂合葬媵後裔謂媵有撫孤功世世以庶祖母祀之

謝氏背街鍾同華妻年二十二守節姑患篤疾氏奉侍未嘗稍離左右溲溺穢汚躬親澣濯三年如一日撫繼

子鳴珂入庠教諭蘇運昌獎以匾卒年四十二

李氏背街鍾洪愈妻年二十六撫孤守節家貧藉紡績自給卒年七十三

劉氏背街鍾同增妻年十七撫繼子守節親見曾元教諭項勲獎以匾卒年八十六

王氏背街鍾慶琪妻年二十九食貧守節撫孤成立卒年六十三

蕭氏背街鍾以榜妻年二十二守節奉姑撫孤卒年四十

梅氏背街鍾世嶽妻年二十九撫繼子守節繼子歿氏矢志益堅家貧紡績自給卒年六十八

劉氏縣背陳國安妻年二十二守節撫孤卒年七十七  
劉氏灘上黃明哲妻年二十七守節卒年四十六



饒氏灘上黃昌佳妻年三十守節卒年八十二  
劉氏王惟遇妻年二十六守節撫孤成立卒年六十九  
李氏鍾世昫妻年二十八守節撫孤卒年五十六  
彭氏鳳岡謝光禮妻年二十九守節卒年八十八  
歐陽氏鳳岡謝光宥妻年二十二守節撫孤拔元遊泮  
卒年三十七

蕭氏鳳岡謝達清妻年十九守節撫孤卒年五十九  
廖氏學前郭萬宇妻年二十八夫死甘貧守節卒年六  
十二

李氏學前郭良桂妻年二十四守節撫子育孫卒年五  
十二

鍾氏羅志應妻年二十七守節養親撫孤卒年八十二  
王氏陳紹元妻年二十九守節撫孤卒年五十二  
楊氏劉有記妻年二十九守節撫孤卒年五十五  
林氏李高播妻年三十夫亡苦節撫孤卒年六十  
溫氏學前增生郭晴雲妻年二十五守節紡績撫孤孤  
歿撫孫孫又歿撫曾孫備歷艱辛現年七十四

劉氏學前郭秀東妻年二十九守節孝敬翁姑撫二子  
正炳優廩生正炳監生現年六十一  
李氏城北內鍾自芙妻年二十七守節現年六十五



周氏庠生梅際昇妻年二十四撫孤守節現年六十三  
王氏背街鍾以松妻年二十六撫繼子守節孝事孀姑  
現年五十七

黃氏鳳岡謝先槐妻年二十八守節現年五十六

劉氏鳳岡謝先桐妻年二十八撫孤守節現年六十八

劉氏黃口謝正道妻年二十八撫繼子守節現年八十

四

劉氏黃口謝學峻妻年十八守節現年六十三

王氏陳紹先妻年二十八守節撫孤現年六十二

劉氏謝朝松妻年二十四守節撫孤現年五十五以上北隰

顧氏前令謝袞長媳夫其綽於邑署無子氏矢以身

殉不食八日死崖石汎把總程兆恆妻崔氏輓以詩云

清香一瓣弔貞靈就死從容節義馨巾幗夷齊今得見

芳名長照簡編青春燈細雨暗黃昏玉碎香銷欲斷魂

一事吞聲長飲恨阿翁老矣未生孫時嘉慶十一年正

月十三夜也按顧氏雖非邑人而節烈見於興國故錄之四隅諸節婦後

王氏澄塘劉遇縉妻年二十三守節撫孤卒年七十二

邑令張尚瑗給匾以獎

蕭氏澄塘劉貴遵妻年三十夫亡撫孤守節眼見元孫

壽至百歲



蕭氏小春王遠溥妻年二十三守節撫五月孤上事祖  
父母及翁姑課讀成名督學注給鈞貞荻訓匾卒年八  
十二

羅氏秀陂監生梁運珍妻年二十七守節撫孤起泰娶

媳王氏年二十六起泰卒撫繼子與姑共守繼子尋歿

雙寡失嗣苦節不改羅卒年七十九王卒年四十五

鍾氏文溪蕭聲順妻年二十六夫遊四川食貧撫子足

不踰闕至三十歲聞夫四川身故立志守節壽七十餘

終

康氏文溪蕭聲俊妻年二十三守節孝事翁姑喪葬盡

禮卒年六十

佟氏文溪蕭興海妻年二十三撫遺腹子守節卒年九

十

卅氏文溪蕭端立妻年三十守節撫孤子孫多列賢序

卒年八十

劉氏文溪蕭興范妻年二十九撫孤守節孝事翁姑卒

年五十四

劉氏文溪蕭仁庠妻年二十六守節孝事翁姑卒年四

十九

李氏文溪劉必椿妻年十九守節事親撫孤卒年五十



三  
謝氏龍坪上樂劉福續妻年二十七守節撫孤卒年八  
十

蕭氏龍坪鍾慶瀾妻年二十七清貧守節孝事翁姑卒  
年六十七

官氏龍坪鍾慶湘妻年二十九守節撫孤育孫卒年五  
十一

呂氏龍坪鍾以訪妻年二十四守節孝養翁姑撫孤錫  
禧遊泮卒年三十九

劉氏破石口吳鼎慈妻年二十九守節撫孤卒年八十

四

劉氏塘石謝耀淦妻年二十三守節撫孤卒年六十三

周氏上塘石謝先任妻年二十八守節卒年五十

劉氏上塘石謝選瑩妻年二十守節撫孤成名卒年四  
十七

鍾氏羊麓劉士章妻年二十五守節卒年七十九

吳氏羊麓劉啟伯妻年二十一守節卒年六十五

曹氏下厰庠生賴鰲妻年二十九守節事親撫孤卒年  
五十一

謝氏澄渡蕭宏魁妻年二十六守節撫孤卒年六十九



呂氏小春王遠沾妻年二十九撫五月孤守節卒年五

十

黃氏上厥監生杜國璜妻年二十七守節撫孤事篤疾

老姑卒年五十三

李氏鰲源王作楨妻年二十七撫遺腹子守節教諭吳

獎以匾卒年六十九

廖氏仁田闕明通妻年二十二守節卒年五十二

廖氏仁田闕明達妻年二十二守節現年五十一

文氏上樂劉享琛妻年二十九守節撫孤現年六十七

謝氏東龕藍子元妻年二十四守節現年七十七

曾氏東龕藍海鯤妻年二十二撫繼子守節養親現年

六十九

李氏小春王遠瀾妻年二十八無子守節孝事老翁現

年五十八

劉氏小春王傳懋妻年二十七守節孝事翁姑撫孤希

漢遊洋現年五十三

謝氏小春王遠棧妻年二十四撫繼子守節現年七十

六

陳氏破石口吳宗昕妻年二十八守節撫孤現年七十



鄭氏上宅郭文華妻年二十七守節事親撫孤現年五  
十

鍾氏順義上王元德妻年二十六守節現年八十一

陳氏龍下郭景晨妻年二十九守節撫孤現年七十六

楊氏澄塘王九榮妻年二十三撫繼子守節事親前令

余獎以匾現年六十九

冉氏上塘石謝先仰妻年二十五守節現年六十三

楊氏澄塘劉福适妻年二十六撫繼子守節現年五十

二

金氏石亭東劉政晃妾年二十八守節現年六十三

尹氏文溪劉貴輪妻年二十五守節奉姑撫孤現年六

十七

劉氏日頭嶺黃宗說妻年三十守節現年六十四

鍾氏日頭嶺黃立暉妻年二十五守節現年六十

毛氏吾立劉萬樹妻年二十七守節現年五十六

陳氏龍坪鍾以閻妻年二十七守節孝事翁姑教子成

立現年五十一

劉氏口塘鍾國棟妻年二十六守節事親撫孤現年五

十七

鍾氏廖塘凌邦紀妻年二十五守節現年六十六



劉氏殷富謝大陸妻年二十二守節現年五十六

劉氏南門坪賈祥珍妻年十九撫繼子守節現年五十

八

賴氏大興坑胡成經妻年二十二守節現年五十八

黃氏里坳庠生廖望妻年二十九守節事親撫孤現年

五十三以上清德鄉

劉氏燕山鄧積萃妻年二十一守節撫孤必拔娶呂氏

年二十一守節撫繼子成名劉年五十一終呂現年五

十八

劉氏龍砂鍾立材妻年二十七撫遺腹子守節卒年七

十前令鄧給匾以獎

徐氏村尾鍾學洙妻年三十守節奉姑撫孤卒年八十

四

歐陽氏富州洞謝世瀚妻年二十七守節孝事翁姑撫

孤成名卒年六十六

劉氏龍砂鍾建煒妻年二十二守節撫孤卒年六十二

謝氏下焦田徐正書妻年二十五守節卒年七十五

胡氏西江謝世炳妻年二十八守節撫孤卒年五十六

李氏大馬埠鍾元瓊妻年二十一守節撫孤卒年五十

一



鍾氏燕山庠生鄧必恕妻年三十守節撫孤成名現年六十四

呂氏燕山鄧必輯妻年二十六守節撫孤成名現年五十七

王氏上村楊元瑞妻年十八守節奉姑撫孤現年八十七

李氏龍砂鍾遠璞妻年十九守節撫孤現年五十四

黃氏山田湯崇富妻年二十四守節撫孫成立現年六十一

蕭氏沙洲背丁科茂妻年二十二守節奉姑撫孤現年

六十二

余氏沙洲背丁甲麟妻年二十五守節撫孤現年六十七

陳氏沙洲背丁廷魁妻年二十三守節事親撫孤現年五十一

劉氏羅村曾孔瑤妻年二十四守節撫孤現年六十七

黃氏古竹鍾思侯妻年二十一守節撫孤現年六十六

許氏桂林坑梅昌蕘妻年二十二撫繼子守節事親現年六十九

黎氏桂林坑梅昌蕘妻年二十八守節事親現年六十六



六

劉氏周地監生楊達朝妻年二十六守節撫孤現年六

十二

李氏大馬埠鍾名宙妻年十四守節孝事翁姑現年五

十一

陳氏凌源里文配坤妻年二十六守節撫孤現年五十

四以上儒林鄉

王氏逕口張愈伯妻年二十七守節奉養舅姑撫孤并

遺腹子俱成立得見曾孫卒年八十四

會氏竹壩鍾世綬妻年二十七夫死撫孤廣珍守節娶

媳陳氏甫生孫而珍又死時陳年十七不忍以藐孤累

孀姑苦志守貞曾氏八十三歲而卒陳氏眼見孫曾現

年八十有六

謝氏竹壩鍾世宰妻年二十九守節撫孤卒年六十九

胡氏竹壩鍾廣軒妻年二十六守節卒年七十

姚氏竹壩鍾廣璣妻年二十守節撫孤孤死又撫孫卒

年六十九

劉氏竹壩朱繼書妻年二十八守節撫孤孤死又撫姪

承繼卒年七十八

陳氏竹壩鍾廣機妻年二十八守節卒年六十九



劉氏竹壩鍾垂裕妻年十七撫繼子守節繼子歿矢志不移卒年五十

郭氏竹壩丁永安妻年二十五守節撫孤卒年七十三

鍾氏竹壩丁紹鼎妻年二十四守節撫孤卒年七十五

郭氏毛岐瑞妻年二十六撫孤守節壽至九十六歲

鍾氏蔡景溥妻年二十夫亡撫孤守節卒年六十八

鍾氏羅田垵劉世義妻年二十二守節備歷艱辛卒年五十

王氏劉景直妻年二十八守節撫孤卒年七十九

黎氏桐塘口李昌榮妻年二十五守節撫孤卒年六十

八

劉氏桐塘口李世綽妻年二十四夫亡守節卒年四十

九

李氏渡江鍾國賓妻年二十八撫孤守節卒年七十九

陳氏李德振妻年二十四守節卒年五十七

陳氏光曲龍曾拔蓮妻年二十撫遺腹子守節卒年四

十二

唐氏均村邱立京妻童養未婚年十三立京死氏矢志

守貞父母舅姑勸令改適皆不聽族人嘉之爲立繼子

以成其志現年五十八



陳氏寺背李昌財妻年二十七無子清貧守節備歷艱辛現年六十三

曾氏寺背李昌贈妻年二十二撫繼子守節現年五十五  
蕭氏羅田墩劉世鯉妻年二十五守節事親撫孤現年五十六

溫氏羅田墩劉昌坎妻年二十七守節事親撫孤現年五十

楊氏羅田墩監生劉世持妾年三十守節撫孤成名現年五十七

楊氏石下謝期俸妻年二十五守節奉姑撫孤現年七十三

楊氏竹壩鍾廣庠妻年二十三守節撫繼子成名現年七十五

蕭氏九曲龍曾傳沐妻年二十七守節事親撫孤現年六十六

吳氏長窖雷雲富妻年二十七守節事親撫孤眼見曾孫現年七十

鍾氏海坑口監生劉寬妾年二十五撫繼子守節現年七十

劉氏榔木鍾獻提妻年二十九守節奉繼姑撫孤現年



六十四

劉氏廖傳棟妻年二十七守節現年七十四

蕭氏悠塘劉福林妻年二十九撫遺腹子守節孝事翁

姑現年六十五

劉氏李文鴻妻年二十四守節現年五十一

曾氏南岡下劉世仔妻年二十八守節撫孤現年五十

六

鍾氏竹壩陳千福妻年三十撫孤守節現年五十三

蕭氏桐溪李恩鵬妻年二十五守節事親撫孤備嘗苦

楚現年五十一 以上大足鄉

劉氏高多鍾立繡妻年二十九夫故貧無立錐撫三歲

孤守節外家勸改適矢志不從卒年七十三

黃氏嚴灘太學生蕭光册妻年三十而寡撫孤涵泳補

諸生涵泳娶妻李氏涵泳死時李氏年亦三十姑媳同

志節操並勵黃氏卒年八十有五李氏現年七十有一

張氏大源洞蔡子璜妻年二十七守節撫孤成楠娶妻

李氏李年二十七成楠死姑媳孀居張氏卒年七十六

李氏現年五十八

邱氏東富厚王世蘭妻年二十一守節撫孤成立孫洪

涵入邑庠卒年七十四



溫氏宜桂 塢邱洛柏妻年十五守節孝事翁姑撫繼子  
雲遊泮卒年七十六

五 澄氏宜桂 塢邱在瑤妻年十九撫繼子守節卒年五十

鄭氏高多 鍾建潤妻年二十五守節撫孤孝事孀姑卒  
年六十八

劉氏高多 鍾宜任妻年二十八撫繼子守節事親卒年  
六十九

蕭氏坳洽 劉培真妻年三十撫孤守節卒年五十  
鍾氏王克瑞妻年二十六夫亡守節卒年四十三

王氏崇賢 朱文謨妻年二十六守節撫孤鳴高磨歲貢  
卒年六十一

李氏楓林 劉禹作妻年二十二夫亡守節撫孤卒年八  
十二

易氏楓林 劉天惠妻年二十四守節撫孤卒年七十二  
邱氏龍溪 陳光宗妻年二十六守節撫孤卒年六十一

賴氏巖坑 蕭天祿妻年二十一撫孤守節卒年四十九  
劉氏錢坑 王敬譜妻年二十二守節現年七十六

郭氏巖坑 鍾日梁妻年二十四守節事親撫孤現年六  
十八



黃氏嚴坑鍾日旺妻年二十七守節奉姑撫孤現年六十四

黃氏宜桂塢庠生邱錫璜妻年二十二守節撫孤現年七十四

蔡氏宜桂塢邱在庚妻年二十一守節撫孤現年六十四

萬氏宜桂塢邱靈昌妻年二十一守節孝事翁姑撫繼子成名儒學趙龍皆獎以匾現年六十九

楊氏宜桂塢經歷職邱雲昌妻年十七守節孝事翁姑撫繼子成名現年五十五

林氏朱家壠蔡成瑤妻年二十撫繼子守節現年七十二

張氏朱家壠蔡成瑯妻年二十四守節撫孤現年五十二

黃氏方太李則恭妻年二十守節現年七十三

林氏方太羅克詳妻年二十八守節繡佛長齋現年六十九

鍾氏方太監生康任妻年二十九守節奉姑撫孤成名現年七十

何氏方太上黃奇標妻年二十四守節撫孤現年七十



四 胡氏方太上吳理伊妻年二十四守節撫孤孝事孀姑  
現年八十

一 徐氏崇賢劉祖薦妻年一十八撫繼子守節現年五十

三 梁氏東富厚王文錦妻年二十七守節撫孤現年五十

三 劉氏東富厚王世寶妻年二十四守節現年七十六

郭氏泗流熊上貴妻年二十二守節現年六十七

謝氏崇一里鍾正議妻年二十四守節撫孤現年六十

三

會氏長逕口鍾文琚妻年二十七撫孤守節現年六十

四

古氏山口鄒君祿妻年二十七守節現年七十五

朱氏瑞口梁光瑜妻年二十五守節撫孤現年六十

梁氏太平墟庠生曾蹈矩妻年三十守節撫孤現年五

十六

蔡氏寶石曾開廷妻年二十撫孤守節現年五十五

鍾氏錢坑王敬惠妻年二十七守節事姑現年五十七

邱氏大龍洪達傅妻年二十三撫孤守節現年五十五



以上太  
平鄉

李氏楊村歐陽文奇妻順治戊戌土寇掠境為賊所執  
罵不絕口引刀自斃時年二十有七

梁氏大獲王禹瑞妻年二十五守節孝事翁姑次子湯  
鈞娶妻袁氏年三十夫亡姑媳雙節俱以壽終

曾氏白石胡繼邑妻夫病將革矢以死殉語所親曰幸  
致意吾兄弟死吾志也勿疑吾姑與妯娌之不善視我  
家人慰之曰若夫果死異日析產任擇其長者曷不為  
藐孤計乎曰孤望祖母暨伯叔父教之我失所天安用  
產為及夫死遂服毒自盡時年二十有二

王氏榔槎張國猷妻年二十一守節撫孤既娶夫婦相  
繼而歿又撫孫成立學憲潘給匾嘉獎現年七十二

張氏榔槎邱振鐸妻年二十二守節孝事翁姑撫孤濟  
川入泮卒年七十八

楊氏白石胡勅縉妻年二十四守節撫孤卒年八十

潘氏白石胡克鈞妻年二十六守節撫孤卒年六十四

李氏龍岡頭鍾世瑗妻年二十四守節事親撫孤卒年  
八十

楊氏城岡凌賢階妻年二十九守節事親卒年七十七

蕭氏城岡凌貴發妻年二十七守節撫孤卒年七十六



呂氏城岡劉後緯妻年二十二撫孤守節孝事孀姑卒年八十三

歐陽氏城岡劉後桂妻年二十九守節撫孤卒年六十

一

蕭氏城岡劉世忻妻年二十八守節撫孤卒年六十

張氏三陽礫歐陽春旦妻年三十守節撫孤卒年八十

五

黃氏三陽礫歐陽隆助妻年三十守節撫孤成名卒年

六十二

鄭氏竹管洞歐陽元鑑妻年二十四守節事姑課子以

壽終

楊氏下堡竹管洞歐陽利洙妻年二十九守節撫孤現年六十一

楊氏箬坑歐陽以榮妻年三十守節撫孤卒年七十四

張氏燕溪歐陽以灝妻年二十四守節撫孤以壽終

徐氏橋下鍾功灝妻年二十八守節事親撫孤卒年六十一

胡氏正溪坑李發榮妻年二十四守節事姑撫孤成立卒年五十一

夏溪氏巖溪楊章朔妻年二十三守節撫孤卒年六十



五

夏侯氏楓邊下堡胡洪照妻年二十三守節事親卒年七十一

蕭氏楓邊黃良珍妻年二十九守節卒年四十七

歐陽氏田南鍾綱洪妻年二十一食貧守節卒年六十

楊氏鍋口劉揚烈妻年二十六撫孤守節孝事翁姑卒

年六十三

夏氏賴先禕妻年二十四守節撫孤卒年七十一

梁氏水東黃志波妻年二十七守節撫孤孝事瞽目老

姑無懈現年七十二

李氏橋下鍾功游妻年二十一守節事親撫孤眼見孫

會現年六十九

謝氏白石胡英萼妻年二十三守節撫孤現年六十六

李氏白石胡繼輝妻年二十五撫繼子守節孝事孀姑

現年六十一

周氏白石胡英綸妻年二十七食貧守節現年五十九

邱氏榔槎張榮傑妻年二十八守節現年六十五

鍾氏榔槎王宗啟妻年二十九撫繼子守節現年五十

九

夏侯氏蕭義贊妻年二十九守節事親撫孤現年七十



楊氏上石源黃榮華妻年二十九守節撫孤現年七十  
六

謝氏鍋口劉理天妻年二十一撫繼子守節事姑現年  
八十二

劉氏田南鍾綱林妻年二十守節盡孝撫孤奇峯人郡  
庠現年五十二

歐陽氏佛嶺楊文詔妻年二十八守節事翁撫孤現年  
六十一

王氏佛嶺楊名梅妻年二十七撫孤守節現年五十八  
邱氏花橋李興塘妻年二十一守節事親撫孤現年六  
十二

鍾氏迴龍蕭祥偉妻年二十三守節撫孤現年五十九  
張氏石澗頭何興昌妻年三十守節事親撫孤現年五  
十六

楊氏方坑胡鴻熙妻年二十七守節事姑撫孤現年六  
十二

謝氏長信里賴宗炤妻年二十七守節事親撫孤現年  
六十二

李氏長信里曾昌照妻年三十守節撫孤現年五十一



康氏嚴溪監生楊國楚妻年二十八守節撫孤現年五十三

歐陽氏嚴溪楊國宣妻年二十八撫孤守節現年五十

三

胡氏嚴溪楊詩芸妻年二十夫亡撫繼子守節現年五十一

朱氏三陽礫歐陽宜蘭妻年三十家貧守節撫孤現年

六十

謝氏鐘鼓坑劉萬淳妻年三十守節現年五十三

張氏王良詠妻年二十二守節盡孝現年六十

邱氏楓邊監生會節仲妻年二十撫孤守節現年五十

五

鍾氏古鏡何隆純妻年十九守節撫孤現年五十一

鄭氏劉先侃妻年二十九夫亡撫孤守節現年五十一

曾氏下堡夏侯德芬妻年二十五守節事親撫孤現年

五十五

以上寶城鄉

劉氏三寮會高柏妻姑患瘋疾手足痿痺代梳洗侍膳

寢三十年如一日

黃氏三寮會興揚妻年二十九守節孝事翁姑撫二孤皆成立長子寅入邑庠卒年八十五



劉氏假水江宗邦妻年二十三而寡痛姑以中年撫育繼嗣備嘗艱苦今老而無子愈益零丁遂立志撫孤守節早夜紡績供姑甘旨族人咸稱其賢寧都楊錫齡爲作孝慈頌

曾氏上逕楊守麒妻年二十四守節撫孤成立孤死又撫孫艱苦備嘗卒年七十

李氏小密涂恭儀妻年二十九守節長子士恢早死妻李氏年十九而寡守節三十年次子世榜郡廩生孫占懋庠生卒年七十三

曾氏三寮監生廖世清妻年二十八守節撫孤成名卒年七十三

朱氏三寮廖德添妻年二十守節事親卒年六十六

劉氏三寮廖勝雲妻年十八撫遺腹子守節卒年六十

五

王氏三寮曾興璫妻年二十九守節卒年七十三

廖氏三寮曾毓翻妻年二十五守節卒年八十三

蕭氏三寮曾友棟妻年二十八守節撫孤紡績以供朝

夕卒年八十三

沈氏三寮曾英白妻年二十七守節撫孤卒年六十

陳氏三寮曾象天妻年三十撫繼子守節貧病交迫卒



年五十五

蕭氏三寮會德隆妻年二十一守節撫孤卒年五十七

鄧氏潞溪江受五妻年二十九守節奉姑撫孤卒年七

十

劉氏官田陳述堯妻年十九守節撫孤五世同堂卒年

八十二

廖氏坳子背劉春達妻年十九撫遺腹子守節卒年七

十三

謝氏李成棟妻年二十六守節撫孤孝事翁姑卒年六

十六

雷氏魚尾坵危世扶妻年十九撫遺腹子守節事親卒

年五十一

王氏江夏姚文柱妻年二十三守節事親撫孤卒年五

十一

胡氏潞洲周載玻妻年二十二撫繼子守節事親卒年

五十二

郭氏田背龔其源妻年二十九守節撫孤辛勤備至卒

年五十九

劉氏盧公山李永瑚妻年二十九守節奉姑撫孤卒年

五十一



溫氏蓮塘黃德珠妻年二十四守節事親撫孤卒年四十六

何氏滌溪增生江贊廷妻年二十四守節撫孤卒年三十九

曾氏齊村賴朝選妻年二十四守節撫孤五世同堂現年八十二

邱氏匾橋鄧龍椿妻年二十六守節現年七十一

張氏蓮塘黃世備妻年二十七守節事親撫二孤皆成立華入武庠現年七十五

張氏蓮塘監生黃章誦妻年二十七守節撫二孤皆成

名現年六十三

曾氏蓮塘黃德瓊妻年二十七守節事親撫孤現年五十七

易氏古龍岡鄒聲論妻年二十四守節事親撫孤現年七十五

陳氏庄上黃裕邦妻年二十四守節事親撫孤成名現年七十

胡氏三寮曾毓翔妻年二十九守節事親撫孤成名卒年六十七

王氏三寮曾繼培妻年二十四守節事親撫孤現年五



十一

張氏三寮會興榦妻年二十三守節奉姑現年五十一

李氏匾橋鄧龍燻妻年二十七守節事親撫孤現年六

十二

謝氏墩水增生江會雲妻年二十五守節事親撫孤現

年五十六

劉氏營前江世晃妻年二十五撫繼子守節現年六十

六

曾氏高寨子凌雲輝妻年十八守節現年六十二

郭氏霞羅鄭忻禱妻年二十八守節事親撫孤現年六

十五

陳氏中逕楊倫秀妻年十九撫遺腹子守節現年六十

劉氏上逕庠生楊倬雲妻年二十九守節撫孤成立命

孤廣行善事現年五十五

陳氏盧公山李遠淦妻年二十守節撫孤現年五十三

王氏嶂背郭列輝妻年二十七守節撫孤現年五十九

王氏三角坑孫寶淳妻年十八撫繼子守節事親現年

五十三

楊氏三角坑孫寶瀧妻年二十六撫繼子守節現年五

十五



凌氏赤勘楊世馨妻年十九撫孤守節現年五十七

張氏甘源增生曾光鸚妻年二十八守節現年六十六

邱氏東溪坑李德俊妻年二十二撫孤守節孝事翁姑

現年五十七

以上衣錦鄉

興國縣志卷之二十九

仙釋

涓子齊人好餌朮接食其精至三百年乃見於齊釣於

荷澤得鯉魚腹中有符隱於宕山能致風雨受伯陽九

仙法至平固縣山中扣石忽開中有宮室額曰輪寥之

館有石笥發之得秘書十二卷讀之欣然遂著天人經

四十八篇名其山曰覆笥山

劉向列仙傳陳芳芸窓私志

葛洪字稚川丹陽句容人究覽典籍尤好神仙導引之

法嘗過平固境見山水靈秀結廬其地鑿池洗藥留詩

曰陰洞泠泠風珮清清仙居永劫花木長榮洗藥池在



興國縣今治平觀即其地

焦氏類林

蒲衣道者一曰方邱生蚤遊臨川吳文正公澄之門既而師事李西來於武夷學全真之學去而浮遊江湖自贛之興國陳令文彬與語大奇之一日由南郭登金雞冠嶺眺望其下有鍾氏廢圃曰長春者歎曰瓢笠之緣其有在矣鍾氏即以其地施之文彬為營室榜曰長春道院年八九十顏若兒童

劉梯翁集

任城世傳得仙道居任山山在興國太平鄉

志林

秦娥孝女也舊傳唐時隨父來自楚任白雲峯得道能興雲雨里人立祠祀之每三四年雷必一發其處後人

名其山曰秦娥山

蔡志孔志

僧文爾福州長溪李氏子紹興初至潭州叅同菴妙喜果公為侍者妙喜與無垢居士張九成遊亟稱爾於無垢曰是人所得端實不可忽也久之自吉水徙興國之梵山抱膝危坐每五更聞鐘聲輒駭汗曰又過一日矣周益公必大僑贛識之問其悟入之由爾曰我年十一辭親出家十七受戒遍遊諸方惟茲事未竟忘寢與食勤苦垂老鈍不見性若問悟入實無以對益公歎曰近世升座秉拂號天人師自謂不能千百無一師非得道肯云爾耶後住贛之報恩刹移寧都慶雲以老

周益公集



鐵船宋時僧也居廬山之鐵船峯因以自號至興國坐禪於觀音巖下即其地卜居營道場焉寺成榜曰靈山

寺使其徒悟能主之乃歸廬山後不知所終唐文鳳撰

重建靈山寺記稱鐵船為開山之始云袁志廬山志

廬禪金斗山有盧禪巖相傳盧禪師學佛蛻跡於此洞

壁上石鐫盧師坐禪像尚存邑令盧宁嘗遊此題詩徬

徨不能去自以姓與禪合更號冠巖參蔡志林

僧無邊居慈祐院當元明之交與泰和劉崧遊崧為無

邊說贈之志林

僧天慈住寶福寺寺在獅子坳為僻地茅蒿塞路始為

虎所據慈至叱而闕之虎遂遁去聚徒說法著有語錄

邑令張尚瑗常選清淨之處而禮之孔志

僧實選住靈山善鼓琴能詩邑令張尚瑗遊靈山與之

談咏甚歡暢孔志

僧普誠號自淳邑蕭氏子幼不茹葷酒以多病出家居

迎仙菴工詩著有菊水軒詩草邑令張尚瑗引為方外

交嘗跋其山居八詠云此禪門所謂披智鎧執義鋒龍

象蹴蹋大力堪負荷者予為之避舍其推重如此王宗

伯思軾延至京邸公卿多以禮下之後返故菴恪守清

規以終參孔志



僧德光住西山菩提菴修行樂施建茶亭瞻茶造石橋

二孔志

僧雪嶠住歸宗菴性潔靜喜文士聽人講孝經論語諸書欣然慕之孔志

按蔡志仙釋載葛稚川盧禪秦娥三人黃志附見山川志中不另立仙釋名目志林廣搜博採以見諸載籍者爲據孔志兼採緇流之足錄者五人今但錄舊志無所續增蓋方外之士必於彼教真實有得非小乘旁門然後可登諸志乘次則如志林所云山水遊蹤文儒筆墨所偶及者抑亦不妨附見若錄取過濫則彼教中之高識遠見者反以爲陋矣是豈足以傳後哉



興國縣志卷之三十

方技

曾文迪唐僖宗時黃巢之亂楊筠松與都監僕姓者竊  
秘府書奔虔文迪師事之熟究天文讖緯黃庭內經諸  
書尤精地理後遊至袁州萬載縣愛其西山之勝謂其  
徒曰吾死葬於此卒如其言後其徒至豫章見之大駭  
歸啟其塚則空棺也人以為尸解所著有八分歌二卷  
行於世

蔡志

廖瑀字伯禹生於寧都年十五通五經人稱廖五經宋  
建炎中以茂異薦不第父三傳得地理之術於楊筠松



瑀尤精其術號廖金精以寧都有金精山也所著有懷  
玉經堪輿家至今宗之後子孫徙居三寮與曾文迪之  
後同其繁盛蓋兩家塚宅皆筠松所卜而貽之識云蔡志  
蔡鍾有曰文迪原寧都會同里人子孫徙居興國之  
三寮歷宋元至今與廖金精後裔俱世傳其家學白  
衣承詔代不乏人虔之言青烏家言者必稱三寮曾  
廖故不得而外之也

胡從正精青烏家言主楊曾之說為人卜葬安便詳審  
無依違欺蔽之病不特其術之過人也槎翁集  
馬春谷字春如精岐黃之學鄰境奉輿馬以迎候視察

者日踵其門春谷咸赴其急貧者輒不計直子朝顯朝

貴皆世其業學業操行為世所稱槎翁集

謝世南得廖瑀之術精青烏家言傳其子永錫世南後

贈武功郎永錫為武功大夫惠州巡檢使宋學士集

廖均卿瑀之後成祖卜壽陵久不得吉壤永樂七年仁

孝皇后未葬禮部尚書趙狃引均卿至昌平尋縣東黃

土山最吉車駕即日臨視封為天壽山命武義伯王通

董其役授均卿為欽天監靈臺博士蔡志林

曾從政文迪之後與廖均卿同時相度皇陵有功授欽

天監博士學士解縉為之贊蔡志



劉玉淵衣錦鄉人傳會廖之術官欽天監漏刻博士蔡志

林志

廖文政嘉靖十五年奉詔遷造獻陵有功授欽天監博

士蔡志

會邦旻字寅甫嘉靖丙申詔入京相造壽宮授欽天監

博士九年功成進階正七品林志

會鶴賓嘉靖甲子勅授欽天監博士蔡志

廖勝槩文政從孫授欽天監博士於彤家業尤精海內

巨公多不遠千里來聘者能自謙抑凜凜篤行推重於

鄉間蔡志 林志

廖紹定善談名理所著有地理指迷不下萬言大要推

本於太極而敷演二氣五行八卦其說甚精蔡志 林志

廖紹寵著有陽宅簡要書福清葉相國向高為之序蔡志

林志

會鶴翹嘉靖甲子朱國公府劾勞授七品散官

會鶴翁嘉靖間奉南贛都御史取修本院給授冠帶

會應良萬歷庚子奉取遷貴州遵義平越二府有功授

官職

會舉鴻應良之姪萬歷乙卯應天都御史王公取修本

院給官服



曾日茂萬歷丙午奉益府取修墳塋給賜典儀  
曾繼烈萬歷壬子奉益府取修本殿給賜典膳

曾漢萬歷戊申奉浙江都御史甘公取用授散職

廖紹祿寵之弟以堪輿授品秩

曾舉仕曾助國會宗亮皆文迪之裔遨遊閩越公卿間

並授散秩 以上皆蔡志

曾永章與營昌平州

皇陵順治己亥授欽天監漏刻博士其族人曾國瑞亦

並被徵當授博士未任而卒 林志

廖安民邑諸生世傳堪輿安民尤神解獨詣坐窻繫獄

太守郎公申雪之方修府廨召之相度曰甚吉然不日

有遷移之事未幾太守以兄子巡撫江西遂有汾州之

調又為郎氏先世營宅兆經歷塞外至紅羅山過吳逆

三桂祖塋私語同行曰此覬非其分所謂白虎銜尸十

年外當覆族已而悉如其言 贛郡張志

曾尚立字卓爾三僚人少攻舉業因世亂棄去精岐黃

術會鄰邑寇將及境其渠帥病治之而愈因勸以戒殺

賊唯唯族鄰賴以保全 孔志

廖邦明字睿堂監生以堪輿術著名遠近晚年歸里議

於邑之巽方建文峯塔坤方造迴瀾閣援證古書著為



興國縣志卷之三十一  
論說識者是之遂從其議西山塔頽廢已久亦由邦明  
建議興復所著巒理心得向水指南藏於家  
曾尚鑄守鼎如精堪輿之學同時解方位理氣家言者  
咸推服之嘗與廖邦明建議造塔及迴瀾閣以挽邑中  
文運閩粵間耳其名不遠千里爭相延致

興國縣志卷之三十一

祥異

唐武德六年癸未清德鄉東龕巖生靈芝五本高三尺  
許自此十餘年春三月芝草生价淨行護以檻

按武德六年平固已省入贛故府志此條繫之贛縣  
然清德鄉東龕地在興國紀祥異者固不應遺  
宋紹興四年甲寅水

嘉定十年丁丑旱

元至治元年辛酉潦蝗相繼

二年壬戌民大饑達魯花赤忽都必賁糜於邑之大乘



寺餽餓者始四月朔迄五月中鄰封皆接踵至所活二十餘萬人

明成化二十一年乙巳大水壞民田廬

二十二年丙午疫

正德元年丙寅小除羅種家婢滌米將炊其米粒粒自行元旦家產靈芝是歲丁卯種中鄉試

二年丁卯地震大雷雨決瑞洲壩塔圯

嘉靖十一年壬辰大雪恆寒

二十三年甲辰秋大疫死者甚衆

二十四年乙巳夏饑七月大水山崩壞民田舍

二十七年戊申崇賢里竹生花而實

三十五年丙辰大水壞廬舍田畝極多

隆慶元年丁卯二月大雨夏大旱田禾不登

萬歷五年丁丑大旱自五月至十月收穫無十之二三又時疫大作死喪載路九月晦彗星見於西南方尾長丈餘十二月乃滅

十四年丙戌四月大水與嘉靖三十五年同

十六年戊子十七年己丑十八年庚寅皆大旱米貴知縣李雲龍發倉賑濟

二十八年庚子八月二十五戌時地震聲如車從東而



十九年辛丑大旱疫

二十二年甲辰十一月初九夜地大震自後時震時止  
踰月乃定

四十四年丙辰五月大水龍興橋第四址圯秋冬大旱  
十月西門外火時西北風甚厲知縣蔡鍾有懼延燒入  
城泣拜力救乃熄

四十五年丁巳五月大水壞憚院圍一帶民田六月田  
禾將熟淫雨不止

四十六年戊午三月縣署芙蓉二樹忽開百葉花各四  
朵是年春夏旱穀貴民饑發社倉平糶

按舊志發社倉後猶苦艱食乃出俸銀百兩買穀五  
百石設法平糶饑民稍甦今附錄於此亦足知前明  
穀價每石值銀一兩卽爲饑歲矣

四十七年己未四月大水龍興橋壞城崩秋冬疫蔡令  
鍾有捐施醫藥多有瘳者

崇禎十六年癸未十月雷震東方天裂數丈見白光如  
電

國朝順治九年壬辰大饑民間食糠麩野菜時戊子亂  
後倉庾空虛莫有賑者



康熙元年壬寅大旱歲荒

詔免田賦十之三

四年乙巳夏大旱免田賦十之三

五年丙午十二月大雪一月道路不通

十三年甲寅塘石邨民失火死者一百三十七人知縣何士奇詳請蠲徭賑恤

十六年丁巳六月大水圮城百餘丈壞田廬

十七年戊午二月大疫歲饑斗米二錢

十九年庚申十一月西方一星芒數丈始出猶微後浸大酉出戌滅者半月

二十年辛酉春夏大水田禾不登免田賦十之三

二十一年壬戌六月大旱歲荒

四十一年壬午秋冬不雨

四十二年癸未春夏連旱野無青草

四十三年甲申二月至五月淫雨城崩數十丈饑孳載道知縣張尚瑗出常平倉穀按戶發糶貧者戶貸穀三斗極貧者施粥於治平觀所全活甚衆

四十八年己丑七月十三夜有星長二丈餘尾大逾尺燄赤如火芒曳數十星皆大如彈從西南北行剡剡有聲黑雲迎之而沒



四十九年庚寅四月官舍桑樹產芝大如盤徑二尺色黃歷辛卯壬辰每初夏長一臺累二臺

五十二年癸巳五月大水壞民田舍

雍正元年癸卯春大水壞民廬舍

六年戊申春夏疫

八年庚戌秋八月雨豆色赤

九年辛亥大稔稻一石二錢

乾隆元年丙辰自秋冬至明年春小兒痘疹疫甚

是年十二月二十一夜治平觀背火延燒觀前西街

七年壬戌六月十六日大水城崩一百九十六丈復造

之龍興橋圯鄉村溺死者無數

按孔志云龍興橋建於明萬歷間僅存遺址乾隆庚

申徐令大坤因士民之請復行修造至是盡毀當水

勢洶湧時民之脇木騎屋而過者多斃於此水退屍

橫野岸興民自甲寅寇亂而後此其一大厄也

八年癸亥大饑十月治平觀背火與元年同

十五年庚午夏疫知縣孔興浙捐施丸藥

二十一年丙子四月大水壞民房

二十六年辛巳四月大雨江水泛溢冲塌房舍沙刷田畝知縣鄧蔚林詳請散賑



三十年乙酉歲饑

五十一年丙午五十二年丁未皆大旱歲荒

五十一年潞江書院後產芝三本山長南昌黎尊三折取其一是年邑中文武登鄉榜者二人尊三亦於是科獲雋

嘉慶二年丁巳春大水九月二十二夜治平觀前火延燒東西大街店房民舍

五年庚申秋七月大水

二十一年丙子旱竹壩福興陂上流源絕六月二十六日忽泉水自渠中湧出灌田畝無數

道光元年辛巳十二月十五夜西街火延燒獅子廳門首至王家祠門首

三年癸未九月潞江書院桃花盛開

大年附

按輿邑山川紆迴風氣完固民生其間類多壽考祥而且異莫著於此况我

國家昇平化洽男婦有五世同堂者例得與大年並旌謹彙而錄之以彰人瑞元末明初僅有一二可考亦并存焉

歐陽義端南雲下堡人敦行守禮五世同居元至正間



身圖果元 卷三十一  
一百一十八歲二子德斌德安年皆九十孫朝祐年七十縣尹孫振祖聞於朝詔樹耆德坊旌之

蕭惠伯字和軒東隅赤墘人明洪武間年百有一歲弟用伯字任軒年九十歲邑令嘉其齒行敦請賓筵

鍾孔師字會所北隅二里人順治間年百一十三歲

王待行南隅人康熙己丑

詔賜高年粟帛待行年九十九當與掌冊者以癸未

恩詔未列名削之再請不得竟格於例張太史贈以詩壽百有七齡而終

鍾遠綏字文菴北隅二里人年越八十一堂五世無疾

考終

呂岳松字申子南隅人考授經歷五世同堂壽八十四歲

呂岳蘭字淑芳南隅人飲賓五世同堂壽八十四歲

呂傳道字授五岳蘭孫五世同堂壽九十三歲

陳君睦儒林鄉沙洲背人乾隆庚戌壽百歲

陳子蘭儒林鄉凌源茶干人嘉慶癸酉壽百有七歲

會文元字廷選寶城鄉槎嶺人監生妻陳氏一堂五世子孫會元共七十餘人文元壽至九十二歲陳氏壽八十八歲



楊元勳衣錦鄉上邇人年八十五妻徐氏年七十九五世同堂

徐佐達字明佐衣錦鄉蓮塘人年九十一妻應氏年八十八一堂五世乾隆五十六年旌表建坊佐達壽至九十八歲

黃清海字昌聖衣錦鄉庄上人五世同堂嘉慶十二年請旌壽八十四歲

鍾川嶽字毓膺寶城鄉城岡人一堂五世子孫會元共七十餘人嘉慶二十年旌表建坊壽八十三歲

凌貴介字士達寶城鄉迴龍人飲賓五世同堂壽九十

凌名著字景呂寶城鄉城岡人監生五世一堂壽九十二歲

鄒邦琳衣錦鄉古龍岡人年八十四五世一堂壽至九十三歲

李昌偲字友箴大足鄉桐溪人年八十八五世同堂子孫會元共四十餘人壽至九十一歲

鄧積盤儒林鄉憚院團人年七十八五世同堂壽至九十五歲

邱輔相寶城鄉榔槎人監生年八十五五世同堂壽至



九十歲

鍾宏德清德鄉任田人五世一堂現年九十

吳氏衣錦鄉小密涂應珊妻年九十一五世同堂乾隆甲寅壽至百有三歲

張氏大足鄉均村羅一與妻嘉慶丁巳壽百有四歲

藍氏衣錦鄉三僚會友樑妻嘉慶己卯壽百有七歲

黃氏衣錦鄉三僚會衍綾妻道光辛巳壽百歲

蕭氏清德鄉澄塘劉貴遵妻年九十四五世一堂嘉慶甲戌壽百歲

陳氏清德鄉澄塘劉貴仰妻五世一堂子孫曾元共六十餘人壽八十九歲

吳氏清德鄉鰲源王慕曾妻年八十一堂五世壽至八十八歲

謝氏衣錦鄉千年坑李光悅妻年八十一堂五世子孫曾元共八十餘人壽至八十五歲

陳氏衣錦鄉三僚會魁宗妻年七十一堂五世壽至八十四歲

彭氏衣錦鄉榮洲周麗彩妻年八十一堂五世壽至九十六歲

劉氏衣錦鄉官田陳述堯妻年七十六一堂五世壽至



八十二歲

陳氏寶城鄉許舜徽妻年八十九一堂五世壽至九十  
一歲

鍾氏西隅歐陽瑚妻五世一堂現年八十六歲

蕭氏清德鄉上宅劉武崢妻五世一堂現年八十六

劉氏清德鄉秀陂梁運輝妻五世一堂現年八十六

楊氏大足鄉竹壩鍾世葵妻五世一堂現年九十二

王氏太平鄉崇賢朱啟元妻五世一堂現年九十三

鍾氏衣錦鄉三僚廖永欽妻五世一堂現年九十六

曾氏衣錦鄉齊村賴朝選妻五世一堂現年八十二

胡氏寶城鄉小獲楊旺鈿妻五世一堂現年八十八

凌氏大足鄉大章貢劉發崇妻五世一堂現年八十一

陳氏王貽孫妻年十八貽孫卒撫子兆鳳爲國學生眼

見元孫壽八十餘歲

劉氏北二里背街鍾同增妻年十七同增卒撫姪爲嗣

親見元孫壽至八十六歲

黃廷瑞清德鄉車溪人監生年七十四妻謝氏年七十

二五世同堂廷瑞壽七十六歲謝氏現年八十八歲補





正物因是而派... 八十八

... 八十八

... 八十八

... 八十八

... 八十八

... 八十八

